



Služba za finansije, inspekcijske poslove i opću upravu

Broj: 03/1-2-19-2636/21
Breza, 08.09.2021. godine

OPĆINSKO VIJEĆE BREZA
- SLUŽBA OPĆINSKOG VIJEĆA -
Ovdje

Predmet: Odgovor na vijećničko pitanje, dostavlja se.-

Na sjednici Općinskog vijeća Breza održanoj 26.08.2021. godine, u okviru vijećničkih pitanja i inicijativa, vijećnik Ahmedspahić Mirza je u pismenoj formi uputio pitanje, koje glasi:

„Koliko ima divljih deponija na području naše općine? Koje su njihove lokacije, šta se čini po pitanju njihovog rješavanja? Radi li eko-policija svoj posao?“

Vezano za vijećničko pitanje sanitarno - komunalni inspektor Općine Breza daje sljedeći odgovor:

Rješenjem Općinskog načelnika, broj 01/2-04-276/21 od 08.02.2021. godine, formirana je Komisija za evidentiranje i popis svih deponija na području općine Breza, a čiji je predsjednik bio sanitarno - komunalni inspektor Općine Breza.

U ostavljenom roku imenovana komisija izvršila je evidentiranje i lociranje svih deponija na području općine Breza, te Općinskom načelniku dostavila detaljan izvještaj.

Analizirajući prikupljene podatke, sa sigurnošću možemo reći da smo grad sa jako niskom sviješću kada je u pitanju zaštita okoliša, te da se prilikom obilaska kompletnog područja općine Breza utvrdilo da u svakoj mjesnoj zajednici postoji najmanje jedna divlja deponija, a za koju se može reći da su je stvorili mještani tog naselja, jer isti nisu prijavili druge počinioce takvog prekršaja.

Općinska sanitarno - komunalna inspekcija je u prethodnom periodu pokušavala kroz razna obavještenja skrenuti pažnju javnosti na primjereno ponašanje, te poštivanje odredbi Odluke o komunalnom redu, kao i apelirati da se počinioci nelegalnog odlaganja otpada prijave, kako bi inspektor mogao djelovati represivno prema istima. Za sve one prekršioce za koje su postojali čvrsti dokazi o učinjenom prekršaju, inspektor je djelovao represivno, izdavanjem prekršajnog naloga.

Kada je u pitanju saniranje divljih deponija, svake godine planiraju se aktivnosti i određena finansijska sredstva kroz „Program zajedničke komunalne potrošnje“, kao i mnoge dobrovoljne akcije udruženja, institucija, pravnih i fizičkih lica, predsjednika mjesnih zajednica i njihovih podružnica, te svih građana Općine Breza za sudjelovanje u čišćenju i uređenju našeg grada. Međutim, za potpuno uklanjanje svih deponija na području Općine Breza potrebna su mnogo veća finansijska sredstva, a koja bi se trebala iznaći putem drugih vidova finansiranja.

Takođe je potrebna i veća angažovanost komunalno - ekoloških kontrolora na terenu, a čija je zadaća prvenstveno:

- upozoravati pravna i fizička lica na ponašanje u skladu sa Odlukom o komunalnom redu i propisima donesenim na osnovu ove Odluke,
- obavještavati sanitarno - komunalnog inspektora o slučajevima neizvršavanja odredaba ove Odluke putem sačinjavanja službenih zabilješki, fotografisanjem ili prikupljanjem drugih materijalnih dokaza a u cilju donošenja odgovarajućih rješenja,
- pomagati sanitarno - komunalnom inspektoru u obavljanju njegovih poslova.

Dostavljeno:

1. Naslovu
2. Pomoćnik načelnika 03/1
3. Evidencija
4. a/a

Sanitarno - komunalni inspektor

Elsada Šehović, dipl.ing.hem.



Adresa: Bogumilska br.1 tel: 032/786-061 centrala, 032/786-027 inspekcija,
fax: 032/786-031, 032/786-041
e-mail: insekcija@breza.gov.ba www.breza.gov.ba





Služba za finansije, inspekcijske poslove i opću upravu

Broj: 03/1-2-19-2655/21
Breza, 08.09.2021.godine

OPĆINSKO VIJEĆE BREZA
- SLUŽBA OPĆINSKOG VIJEĆA -
Ovdje

Predmet: Odgovor na vijećničku inicijativu, dostavlja se.-

Na sjednici Općinskog vijeća Breza održanoj 26.08.2021. godine, u okviru vijećničkih pitanja i inicijativa, vijećnik Dževahid Sokić je u pismenoj formi uputio inicijativu, koja glasi:

„Kada će JP“Komunalno“ d.o.o. Breza kao izvođač radova sanirati i asfaltirati oštećenja na lokalnom putu (javnoj površini) ispred ulaza u gasulhanu mjesne džamije na Kahvama i ispred ulaza u S.Z.R.“Zaimović“, u ukupnoj površini 15,00 m². U mjesecu martu 2021 godine, JP „Komunalno“ d.o.o. Breza se obavezalo da će to završiti do početka građevinske sezone. Potrebno je da komunalni inspektor izađe na lice mjesta i poduzme mjere iz svoje nadležnosti.“

Vezano za vijećničku inicijativu sanitarno - komunalni inspektor Općine Breza daje sljedeći odgovor:

Odredbama člana 64.,65.,66., i 67. Odluke o komunalnom redu („Službeni glasnik Općine Breza“, broj 1/19) propisano je pod kojim uslovima se može vršiti prekopavanje javnih zelenih površina, kao i ostalih javnih površina, radi postavljanja, uklanjanja, izmjene i održavanja podzemnih instalacija i uređaja, ko izdaje potrebno odobrenje za navedene radove, te obaveze izvođača po završetku radova.

Naprijed navedenim odredbama jasno je definisano da Služba za prostorno uređenje, zaštitu okoliše, geodetske i imovinsko - pravne poslove Općine Breza izdaje odobrenje za gore navedene radove, te da nadzor nad izvođenjem radova prekopa na zahtjev Službe može vršiti ovlašteno lice ispred Općine Breza (ne samo inspektor, nego bilo koje drugo ovlašteno lice ispred Općine).

U okviru svoje nadležnosti, sanitarno – komunalni inspektor Općine Breza je dana 07.06.2021. godine izvršio inspekcijsku kontrolu na širem području općine Breza, te pregledom na licu mjesta konstatovao da je JP "Komunalno" d.o.o. Breza na više lokacija u urbanom i vanurbanom području općine Breza izvršilo prekopavanje i prosjecanje javne asfaltne površine prilikom izmjene i održavanja podzemnih instalacija i uređaja, a da oštećenja koja su nastala izvođenjem radova nisu sanirali i vratili u prvobitni položaj.

Imajući u vidu naprijed navedeno, a shodno članu 135. Odluke o komunalnom redu („Službeni glasnik Općine Breza“, broj 1/19), sanitarno – komunalni inspektor Općine Breza proveo je postupak inspekcijskog nadzora, te primjenio zakonom propisane mjere (donio Rješenje broj:03/1-2-33-1166/21 od 09.06.2021. godine i Rješenje broj:03/1-2-19-11362/21 od 20.08.2021. godine, a kojim je naloženo saniranje oštećenja na lokalnim putevima).

Svjedoci smo da JP “Komunalno“ d.o.o. Breza do današnjeg dana nije postupilo po naloženom, međutim inspektor je zaprimio obavijest, od strane komunalnog preduzeća dana 06.09.2021. godine, u kojoj inspektora obavještavaju da je početak radova na asfaltiranju navedenih površina predviđen za 20.09.2021. godine.

U sve naprijed navedeno (poduzete aktivnosti inspektora u postupku inspekcijskog nadzora na predmetnom slučaju), možete se i lično uvjeriti u prostorijama inspekcije Općine Breza svakim radnim danom od 7:30 - 16:00 sati.

Dostavljeno:

1. Naslovu
2. Pomoćnik načelnika 03/1
3. Evidencija
4. a/a

Sanitarno - komunalni inspektor

Elsada Šehović, dipl.ing.hem.



Služba za privredu
Broj:02/1-8-19-2641/21
Breza, 21.09.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na vijećničko pitanje

Na sjednici Općinskog vijeća Breza održanoj dana 26.08.2021. godine, u okviru vijećničkih pitanja, vijećnik Nedim Abadžija u pismenoj formi je postavio vijećničko pitanje, koje glasi:

Na inicijativu građana ulice Stara Kula i Salke Bešlagića, želim da pomenute ulice predložimo kao prioritet za zamjenu rasvjetnih tijela.

U vezi postavljenog pitanja dajemo sljedeći odgovor:

Ugovor o održavanju javne rasvjete je fazi realizacije. U dosadašnjem toku realizacije izvršena je zamjena dotrajalih rasvjetnih tijela u užem urbanom dijelu grada i sistemima rasvjete koji su bili sa većim brojem oštećenih i pregorjelih rasvjetnih tijela. Ulice koje su navedene u pitanju vijećnika su već svrstane u prioritet. Međutim, u ulici Stara Kula došlo je prekida u napajanju električnom energijom. Predpostavlja se da je oštećen podzemni napojni kabal u toku izvođenja radova na cesti i cestovnom pojasu uz ulicu Stara Kula. Aktivnosti na detekciji i otklanjanju kvara su u toku i po otklanjanju istog pristupit će se i aktivnostima osposobljavanja i zamjene rasvjetnih tijela.

Kada je u pitanju ulica Salke Bešlagića, izvršen je obilazak terena, snimljeno stanje i pripremljena je tehnička specifikacija potrebne opreme i materijala koja će se kroz radni nalog proslijediti izvođaču radova na dalje postupanje.

Dostavljeno
1 x Naslov
1 x a/a

Pomoćnik načelnika

Salih Hasanspahić



Služba za privredu
Broj:02/1-8-19-2640/21
Breza, 21.09.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na vijećničku inicijativu

Na sjednici Općinskog vijeća Breza održanoj dana 26.08.2021. godine, u okviru vijećničkih pitanja, vijećnik Mirza Ahmedspahić u pismenoj formi je podnio vijećničku inicijativu, koja glasi:

Podnosim inicijativu za postavljanje rasvjetnih tijela na lokalnom putu Bulbulućići – Koritnik (Grabovik).

U vezi pokrenute inicijative dajemo sljedeći odgovor:

Sistem javne rasvete u mjesnoj zajednici Koritnik izgrađen je djelimično i rasvjetom nije pokriven jedan dio ulica i zaseoka, pa i lokalna cesta koja je predmet ove inicijative. Rasvjeta je građena parcijalno bez odgovarajuće projektno tehničke dokumentacije. U cilju generalnog rješavanja pitanja sistema javne rasvete u mjesnoj zajednici Koritnik pokrenut je postupak izdavanja odobrenja za građenje kod nadležne Općinske službe. U tom smislu izrađen je i revidiran Glavni projekat javne rasvete Koritnik koji tretira i područje koje je predmet pokrenute inicijative. Postupak izdavanja odobrenja je okončan i doneseno je rješenje kojim se odobrava građenje projektom planiranih dijelova sistema rasvete u područjima mjesne zajednice gdje to nije izvedeno i rekonstrukcija postojećih dijelova sistema rasvete.

Na predmetnoj dionici je planirano postavljanje 15 komada AB stubova sa svom potrebnom opremom i instalacijama, te različitim izvorima napajanja električnom energijom (dijelom sa sistema javne rasvete Bulbulućići a dijelom sa novog priključnog mjesta područna škola Grabovik). Projekat je zahtjevan i tehnički i finansijski. Međutim, zaslužuje pažnju i treba ga staviti u vrh prioriteta i nastojati što prije obezbijediti sredstva za njegovu realizaciju.

Dostavljeno
1 x Naslov
1 x a/a

Pomoćnik načelnika

Salih Hasanspahić

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinski načelnik
Služba za privredu
Broj: 02/1-9-19-2639/21
Breza, 21.09.2021. godine



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipal mayor

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljenu vijećničku inicijativu

U okviru vijećničkih pitanja na sjednici Općinskog vijeća Breza koja je održana 26.08.2021. godine, vijećnik Malik Čorbo je postavio vijećničku inicijativu koja glasi:

„Pokrećemo inicijativu da se uradi rekonstrukcija pružnog u MZ Župča, tačnije na putu Podžupča- Župča. Ova inicijativa je pokrenuta već više puta. Međutim, po ovom pitanju nije urađeno ništa. Neophodno je da se što prije riješi ovaj problem, jer se taj pružni prelaz nalazi na putu gdje svakodnevno prolazi veći broj automobila koja idu za naseljena mjesta Župča-Podžupča-Izbod-Podgora. Taj pružni prelaz toliko je oštećen da smo svjedoci čestih kvarova na automobilama, usljed prelaska istog.

Molimo nadležne institucije da u što skorije vrijeme riješe ovaj problem koji već odavno muči sve mještane ovih naselja.“

U vezi postavljene vijećničke inicijative dajemo sljedeći odgovor :

Tokom 2020.godine je izvršeno tehničko snimanje predmetnog lokaliteta, u saradnji s predstavnicima JP „Željeznice Federacije BiH“. Tom prilikom su uzeti svi ulazni parametri, te sačinjen projektni prijedlog s tehničkom specifikacijom sanacije pružnog prelaza. Predmjerom i predračunom radova sanacije pružnog prelaza u Podžupči su planirani radovi sanacije kolovoza i izvedbe pješačke staze – finansiranje od strane Općine Breza u projektovanoj vrijednosti cca 12 000,00 KM, dok bi radove koji se odnose na podizanje i završavanje pragova željezničkog kolosjeka izvodilo JP „Željeznice Federacije BiH“ o svom trošku.

Imajući u vidu naprijed navedeno, Općina Breza će nastojati u narednom periodu, a u skladu s finansijskom situacijom, provesti aktivnosti na sanaciji pružnog prelaza u saradnji s JP „Željeznice Federacije BiH“.

O realizaciji naprijed navedenih aktivnosti, Općinsko Vijeće Breza će biti blagovremeno upoznato.

S poštovanjem !

Obrađivač: R.Mušanović

Dostavljeno
1 x Naslov
1 x evidencija
1 x a/a

Pomoćnik načelnika

Salih Hasanspahić



Adresa: Bogumilska br.1 tel, centrala 032/786-020, 032/786-061
fax:, 032/786-041, 032/786-031
e-mail: privreda@breza.gov.ba , www.breza.gov.ba





Služba za privredu
Broj: 02/1-13-23-2638/21
Breza, 15.09.2021.god.

Stručna služba Općinskog vijeća

Predmet: Odgovor na pokrenutu inicijativu, dostavlja se

Poštovani,

Na sjednici Općinskog vijeća Breza održanoj dana 26.08.2021. godine, u okviru vijećničkih pitanja, vijećnik Anel Rihčić, u pismenoj formi je pokrenuo vijećničku inicijativu koja glasi:

„Da se na putu Bulbulušići-Kamenice postave minimalno dva ležeća policajca. Obrazloženje: Navedeni put koriste vozači u alkoholiziranom stanju. Mnogo je pješaka koji mogu biti ugroženi. Tražim da služba pronađe rješenje za ovaj problem.“

U vezi pokrenute vijećničke inicijative dostavljamo sljedeći odgovor:

Članom 47. stav 1. Zakona o osnovama sigurnosti saobraćaja na putevima u BiH ("Službeni glasnik BiH"; broj 6/06, 75/06, 44/07, 84/09, 48/10, 18/13, 8/17, 89/17 i 9/18) propisano je da na osjetljivijim mjestima u naselju, s intenzivnim prometom pješaka, a posebno djece, može se ograničiti brzina kretanja vozila postavljanjem posebnih objekata na cesti.

Pravilnikom o postavljanju posebnih objekata na cesti radi smanjenja brzine kretanja vozila ("Službeni glasnik BiH"; broj 17/07) određene su vrste posebnih objekata na cesti radi smanjenja brzine kretanja vozila, mjesta i način postavljanja posebnih objekata na cesti i pribavljanje odobrenja za postavljanje posebnih objekata.

Sve vrste objekata na cesti za smanjenje brzine kretanja vozila se postavljaju na temelju saobraćajnog projekta ili saobraćajnog elaborata koji, prema pravilima struke, ima nekoliko elemenata: od izračuna gustoće saobraćaja do izračuna koji je potencijal da na određenoj dionici ceste dođe do saobraćajne nesreće, pri čemu se gleda i noćna preglednost dionice, uvjeti na cesti u različitim vremenskim prilikama, kvaliteta asfalta i slično.

Projektno – tehničkom dokumentacijom navedenog putnog pravca nisu predviđeni posebni objekti na cesti radi smanjenja brzine kretanja vozila.

Nadležna služba Općine Breza će sagledati situaciju na navedenoj dionici ceste s aspekta sigurnosti odvijanja saobraćaja za sve učesnike, te u skladu sa finansijskim mogućnostima, pristupiti izradi saobraćajnog projekta ili saobraćajnog elaborata za postavljanje posebnih objekata za smanjenje brzine kretanja vozila na navedenoj dionici ceste.

S poštovanjem!


Obrađivač: Edvina Kadrić-Velić

Dostavljeno:
1 x Naslov
1 x a/a



Pomoćnik načelnika

Salih Hasanspahić



Adresa: Bogumilska br.1 tel, centrala 032/786-020, 032/786-061
fax: 032/786-041, 032/786-031
e-mail: privreda@breza.gov.ba, www.breza.gov.ba



Bosna i Hercegovina
Federacija Bosne i Hercegovine
Zeničko-dobojski kanton
Javna ustanova Dom zdravlja Breza

Broj: 01-1028/2021
Breza, 15.09.2021 god.

Općina Breza
Stručna služba Općinskog vijeća

PREDMET: Odgovor na vijećničko pitanje

Poštovani,

Na desetoj redovnoj sjednici Općinskog vijeća, održanoj dana 26.08.2021.god., vijećnik Ahmedspahić Mirza je postavio vijećničko pitanje koje sadrži 5 podpitanja. Uvidom u protokole vakcinacije sačinjeni su odgovori na Vaša pitanja upućena JU "DOM ZDRAVLJA" Breza vezano za provođenje vakcinacije u toku pandemije COVID-19. Iste Vam dostavljamo u prilogu.

Vaše prvo pitanje je glasilo: "Koji je broj vakcinisanih pacijenata na području naše općine?"

Odgovor: Ukupan broj vakcinisanih pacijenata, uključujući prvu i drugu dozu, na području općine Breza, zaključno sa datumom 14.09.2021. je 5193 .

Vaše drugo pitanje je glasilo: "Koji je broj revakcinisanih pacijenata?"

Odgovor: Broj revakcinisanih pacijenata je 1372.

Vaše treće pitanje je glasilo: "Koja vrsta vakcine je najzastupljenija?"

Odgovor: U DZ Breza do 07.09.2021. dopremljeno je 6580 doza vakcina, što je podijeljeno na količine predviđene za primovakcinaciju (prva doza) i revakcinaciju (druga doza). Najzastupljenije vakcine su AstraZeneca i Sinopharm.

Vaše četvrto pitanje je glasilo: "Imamo li evidenciju građana koji su vakcinisani u drugim kantonima, i izvan države?"

Odgovor: Od strane Zavoda za javno zdravstvo Federacije BiH prosljeđena je obavijest kantonalnim Zavodima za javno zdravstvo da je objavljen Pravilnik o izmjeni i dopunama Pravilnika o načinu provedbe obavezne imunizacije, imunoprofilakse i kemoprofilakse protiv zaraznih bolesti te o osobama koje se podvrgavaju toj obavezi ("Službene novine Federacije BiH", broj 69/21), koji na snagu stupa 09.09.2021. godine. Sastavni dio pravilnika su 3 nova obrasca, od kojih je Obrazac broj 13-P "Protokol cijepljenja protiv COVID-19 – za osobe cijepljenje izvan Bosne i Hercegovine".

Shodno navedenom, JU Dom zdravlja Breza će slijediti uputstva Zavoda za javno zdravstvo FBiH te započinje sa evidencijom građana vakcinisanih izvan BiH.

Vaše peto pitanje je glasilo: "Da li su vršene evidencije u medicinski karton?"

Odgovor: Evidencija vakcinisanih osoba na području općine Breza vrši se u "Protokolu evidencije

vakcinisanih” i kroz AIS sistem. U elektronski karton pacijenta se unose podaci o broju doza, datumu vakcinisanja, vrsti kao i serijskom broju vakcine kako bi se moglo pristupiti izdavanju QR koda. Upute od nadležnih institucija nisu zahtjevale unos u medicinski karton pacijenta.


S poštovanjem!

Koordinaciono tijelo za praćenje i sprečavanje širenja COVID-19

Dostavljeno:

1x Naslovu (putem e-mail-a na: vijece@breza.gov.ba)

1x a/a



JAVNO PREDUZEĆE "KOMUNALNO" D.O.O. BREZA

UI. ZAVNOBiH- a br.6 71370 Breza

Broj: 02-1-2274-1/21

Breza: 15.09.2021.g.

Općina Breza
Općinsko vijeće
Stručna služba Općinskog vijeća

PREDMET: Odgovori na vijećnička pitanja
Veza: Vaš dopis br. 01/1-02-2603/21 od 30.08.2021.g

Poštovani,

U nastavku Vam dostavljamo odgovore na vijećnička pitanja i inicijative s 10. redovne sjednice Općinskog vijeća, održane dana 26.08.2021.g.

- **Odgovor na pitanje vijećnika Sokić Dževahida:** JP „Komunalno“ Breza u dijelu Plana radova, za tekuću godinu, koji se odnose na saniranje oštećenja javnih površina nastalih popravkama kvarova na vodovodnoj i kanalizacionoj mreži je predvidjelo i asfaltiranje ovih površina tj. njihovo dovođenje u prvobitno stanje. Početak radova na asfaltiranju pomenutih površina predviđen je za 20.09.2021.g. Radovi će se vršiti u skladu s Tehničkom specifikacijom kao i Grafičkim prikazom lokaliteta sa definisanim površinama dostavljenim od Službe za privredu Općine.
- **Odgovor na pitanje vijećnika Ahmedspahić Mirze:** JP „Komunalno“ Breza nije nadležno za kontrolu stvaranja kao ni uklanjanja „divljih deponija“ osim u slučajevima sklapanja određenih ugovora po kojim bi JPK Breza vršilo uslugu sanacije „divljih deponija“ na komercijalnim osnovama.
- **Odgovor na pitanje vijećnika Čorbo Malika:** dio porodica MZ Župča (od pružnog kolosijeka do Doma kulture) su dobili plastične kante za odlaganje komunalnog otpada, u velikom obimu te kante se ne koriste tj. u njih se ne odlaže komunalni otpad nego se koriste neka priručna sredstva (neadekvatne vreće, prepolovljena metalna burad...). Za stanovnike preostalog dijela MZ postavljeni su metalni kontejneri koje su konstantno (dnevno) dislocirani djelovanjem neodgovornih osoba. Predlažemo sastanak s rukovodstvom MZ Župča kako bismo riješili ove probleme, te poboljšali uslove za odlaganje komunalnog otpada.

- **Odgovor na pitanje vijećnice Jekalović Amine:** JP „Komunalno“ Breza će pokrenuti aktivnosti na nabavci (povoljne cijene ili donacija) korpi za odlaganje otpada te iste postaviti vodeći računa o pravilnom rasporedu kao i estetici lokacija na koje se postavljaju.

S poštovanjem,

Dostavljeno:

- Naslovu
- Tehnička služba
- a/a

Direktor:



Mr. Edin Kadrić dipl.ing.maš.